

tur in desertum à Spiritu, ut tentaretur à Diabolo.

V S V S.

1. Refutentur Eremitæ. CHRISTUS enim non temerario ausu confert se in desertum, sed ducitur illuc à Spiritu S.

2. DEUS etiam permittit Satanæ, ut tentet suos electos, verum bonis omnia in bonum.

Rom 8.

3. Christus ducitur in desertum, post Baptismum, ut tentaretur à Diabolo, ad indicandum, Christianis statim post Baptismum cum Satanâ esse dimicandum.

Eph: 6.
1. Pet: 5.

4. Quemadmodum Christus demum post Baptismum, auditaq; voce Patris cœlestis: Hic est filius meus dilectus: ducebatur in desertum, ut tentaretur: ita DEUS & nos non vult tentare ultra vires. Exemplum in Petro.

i. Cor: 10
Joh: 21.

D E S E C U N D O .

Cum Christus esuriret, accedebat tentator, dicens: Si filius DEI es, &c.

Et hic fuit congressus primus.

V S V S.

1. Diabolus adhuc egentibus conatur persuadere, ipsos non esse Filios Dei: nos autem respondeamus ex Psalmo. Paupe-

G 3 res &